



**R.P. Leonardi Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Art. 6. Vtrum Agnus paschalis fuerit præcipua figura huius sacramenti.

[urn:nbn:de:hbz:466:1-72898](#)

86 Quæst. 73. De SS. Sacramento Eucharistia secundum se. Art. 6.

Tres alia
rationes
e cur Eucha-
ristia insti-
tuta,

Insignis
compara-
tio.

His addit tres alias causas institutionis huius Sacramenti. Quartò ergo Christus instituit hoc Sacramentum ut immensam suam charitatem in nos declararet: sic enim Deus dilexit mundum, ut Filium suum unigenitum daret, non solum in mortem, sed etiam in cibum & viaticum, ut ipsius esu instauraretur quod esu ligni scientia amiseramus; & ut se realiter nostræ carni & sanguini commisces, sua innocentia & sanctitate nostra detrimento refarciret. Vide Chrysost. hom. 24. in priorem ad Corinth. vbi adfert pulcherrimam comparationem ex illo capitio 31. Iob, vers. 31. Dixerunt viri tabernaculi mei, *Quis det de carnis eius ut satureremus?* super quæ verba sic ait; Iob ut seruorum in se amorem offendere, dicebat eos nimia in se dilectione dixisse, *Quis det de carnis eius, ut satureremus?* Hoc Christus fecit non se tantum videri permittens, sed & tangi, sed & dentes carni sua infigi, & desiderio sui omnes impleri. Et hom. 55. & 60. ad pop. Antioch. agit de hac incomparabili dilectione. Vide etiam Cyrillum lib. 10. in Ioan. & Hilar. lib. 8. de Trinitate. Quintò, ut Ecclesiæ sua relinquenter continuum & maximum miraculum, quo & suam sapientiam & potentiam ei patefeceret, & eius fidem deuotionemq; probaret ac exerceret. Nam post mysterium Trinitatis & Incarnationis nullum est miraculum hoc admirabilis: vide Algerum lib. 2. contra Berengarium cap. 3. Sextò, ut homo in hoc exilio haberet eximium solatium & munimentum contra omnes hostes suos, & quodammodo vitæ beatæ fruitionem inchoat: de quo vide Dionysium cap. 1. Cœlestis Hierarchia.

ARTICVLVS VI.
*Vtrum Agnus paschal is fuerit
principia figura huius
Sacramenti?*

Figura Sa-
cramenti
huius ra-
tionis ra-
tionis.

R Esondetur Affirmatiuè. Vide D. Thomā. Notandum est plurimas huius Sacramenti fuisse figuræ, quæ illud præsignarunt, vel secundum id quod est Sacramentum tantum; id est, ratione specierum: vel secundum id, quod est res, & Sacramentum; id est, ratione corporis contenti, & conclusi intra species: vel secundum id, quod est res tantum; id est, ratione effectus.

Ratione specierum, principia figuræ sunt istæ: Prima est, Panis & vinum, quæ obtulit Melchisedech Gen. 14. Ita docent omnes Patres: Hieronymus epistola ad Euagrum, *Melchisedech in pane & vino Christo dedicauit sacramentum.* Chrysostomus homilia 35. in Genes. Vides, quomodo Sacramentum nostrum infigatur & vidisti typum, cogita obsecro veritatem. Omitto alios. Secunda, Panes propositionis, Exodi 40. Cenfabantur enim Sancti, nec poterant nisi à mundis comedí; vt patet 1. Reg. 21. Ita Cyrillus Catechesi 4. mystago. & Damascenus lib. 4. de Fide cap. 14. Tertia, Panis Eliæ, 3. Reg. 19. in cuius fortitudine ambulauit quadraginta dies usque ad montem Dei Horeb.

Quarta, Panis subcineritus, quem videt quidam magno impetu euertentem castra Madian, Iudicium 7. vers. 13. Quinta, Farina indeficiens 3. Regum 17. vers. 13. Sexta, Panes, quos Christus multiplicauit, quibus aliquot hominum millia pauit, Ioannis cap. 6. In quem locum vide D. Augustinum.

Ratione rei contentæ sub speciebus, clarissima figura fuit Agnus ille masculus, anniculus, immaculatus, qui quatenus comedebatur cum panibus hunc sacramentum significabat Christum sumendum sub specie panis: quatenus autem eius sanguine protecti sunt filii Israël à deuastante Angelo, & educti ex servitute Ægyptiaca, significabat effectum huius Sacramenti: quatenus autem non solum immolabatur, sed etiam comedebatur, significabat rem, quæ hoc Sacramento continetur, non solum ut sacrificium immolandam, sed etiam instar Sacramenti sumendum. Itaque Agnus paschalis non solum erat figura Christi, vt in Cruce immolati, sed etiam ut in Sacramento oblati & sumpti: quod docent Patres, dum aiunt, Christum paschalis in coena coniunctissimum typum & veritatem. Chrysostomus homilia De prodictione Iuda. Leo serm. 7. de Passione Domini. Vnde, sicut Agnus ille vocabatur Pascha, ita & hoc Sacramentum Pascha vocatur, iuxta illud Pauli 1. ad Cor. 5. v. 7. *Pascha nostrum immolatus est Christus.*

Secunda figura ratione rei contentæ, erat omnia sacrificia veteris Testamenti, & præsertim sacrificium Expiationis. Ita D. Leo sermone 8. de Passione Domini.

Ratione effectus, seu rei significata: Prima figura erat Manna, propter dulcedinem suam; Exod. 16. Habuit tamen multas alias conditions, quibus hoc Sacramentum præfigurauit. Primo, Quod diceretur panis Angelorum. Secundo, Quod veniret de celo. Psalm. 77. vers. 24. *Panem cali dedit eis, panem Angelorum manducauit homo.* Tertiò, Quod qui plus collegisset, non haberet amplius; & qui minus, non reperiret minus, Exod. 16. Quartò, Pasti sunt eo filij Israël in deserto per quadragesita annos: quo significatur Christianos in hoc mundo tempore peregrinationis suæ passi corpore Domini. De quo typo vide Ambrosium lib. de his qui mysterijs initiantur cap. 8. & 9. Quintò, Circa Manna contigerunt varia murmuraciones, irrisiones, dubitationes, & abusus; quibus præfiguntur hæreses, & alia indignitates, quæ contingunt circa hoc Sacramentum, vt notauit Rupertus lib. 9. de Gloria Filii hominis.

Secunda figura fuit Aqua, quæ fluxit ex petra: de qua Apost. 1. ad Corinth. 10. vbi sicut Manna vocat *efcam spiritalem*, ita hanc aquam potum *spiritalem*, id est, mysticum, seu figuratum: & comparat ea cum corpore & sanguine Domini. Vide Ambrosium suprà cap. 9.

Tertia Lignum vitæ, quod præbebat immortalitatem.

Quarta Sanguis, qui fluxit ex Christi latere: qui etiam fuit symbolum Eucharistie; sicut aqua, baptismi; vt passim Patres.

QVÆ.